

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 08

August, 2016



Editor: Rev. Tualzachin

Synod Office Telephone No. (03874) 235105

Khristian Tangkou

Vol. No. 52 || Issue No. 8 || August, 2016

Editorial Board

Editor : Rev. Tualzachin - 9862829526
Joint Editor : Rev Stephen Chinzathang
- 9863042789
ct_stephen@yahoo.com
Cir. Manager : Upa Jamsianmung - 9862086615
sianmung@rediffmail.com
Bus. Manager : Kamgenpau - 8974612937
Sye T. Ginzahau - 8974438842
Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Khupkhansuan
- **Moderator Elect:**
Rev. Mangsuanthang
- **Secretary (Sr):**
Upa T. C. Pau
- **Secretary (Jr):**
Upa Sianzahau
- **Treasurer:**
Upa T. Lamkothawng
- **Statistician:**
Upa Kapkhanthang
- **Executive Secretaries:**
Rev. Tualzachin
Rev. Stephen Chinzathang

A sung thu

- Editorial..... 01
- Thu tuomtuom 02
- Reports 06
- Gingtute & Laithai kap 09
- Nite a hoilou zieh in 13
- Na umdan leh Khrist khantan17
- ZPWF Column 20
- Kitheisahna 24

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod
ngaigan ahi kimsih a, a suotute'n maw
a kipuoh chiet ding uhi.

Thusuo dingte Editor kung a pieh
ding ahi.

Editorial

Hun leh kumte hing kihei lienzelin a haa (8) na August tan dam a hing musahtu avanglien Mangpa min phat kawm in Hattuum china Ama nna sepkhawmpite kungah lungdamna chibai ka hing pie hi. Tuha Hattuum te Nipoimaw (2) ZPYF Day leh British te et kawlna apat “ZALENNA” imu ni ahi toh kitawn in i Bible tang pansan dingin Thuhiltu 12:13-14, Galati 5:1, Gen. 6:7, Eccl. 11:9 te enlei deihoi kasa hi.

Thupi:

1) “Mihing hing kisiem san”: Mihing hing kisiem sante bang e? Chi thei poimaw mama hi. Gen. 6:7 a i et leh Pasion in a silsiem namkim a en a hoi asa chiet a akipah a hinanleh mihing asiemte a en a ama uh kana siemkhah malmal khoh kasa hi achi ahi. Khum bang ahileh ei mihingte tung ah Pasion kipah lou china ahi. College Student khat in athugen ka lungtang khoimama khat ka College mai ka tun uh leh amai a thupi ana kigiel ahileh lai hoi sim in (Study well) “A thupieh sang in” (Behave well) “Pasion ging in” (Fear God) chi ana kigel hi. Tami ka sim apat ka hinnate sulamdang mama hi. Eccl. 12:13-14 a imu bang un tam atunga itahlatte khu tahsa hagau a mihing hing kisiemsan ahi. Tunin ZPYF Day manaw ihina toh kisai in Khanglai lam ah gendeu lei ahoi ding hi.

2) Lai hoi sim in: Khanglai, simlaite adieh Jesu Khrist kinepna ihi ban uah inu, ipate sum tampi pi seng a aki nepna uh ihi uhi. Lai isim nai....? Inu, Ipate kinepna ihilam ithei nai.....? Bangteng hileh tup guh nei pumpum in panglei koima alawsam umlou ding hi. Mahatma Gandhi zong apaten London a laisim ding a akoi lai un, anu, apa tup leh ngim pen manghil in English Tangval mel hoi pen hi sawm in a sumhah te uh kicheina puon hoitahtah leinan ana zang hi. Nikhat hing khanglou in anu, apa koi! chawm san pen thei in hing kisiemtha kia hi.

02) Athupieh sangin: Tunin ei ZPYF Khanglaiten Mangpa thupieh sanga Ama deilam bawldin kiman sa’n umsawm chiet va ui. Khanglai

Jesu a ding a imanphat dante thei kawm in Ama phat leh pahtawi na'n i hun manphate zah sawm chiet vaui.

03) Pasion ging/zau in: Khanglai tamtah ten Pasion ging/zau lou in, neh leh dawn, sil leh teen leh mit mu leh sa utna suol ah puomang sieng uhi. Khanglai/hatlaite pen Gari brake bei toh kibang ihia, hinanleh hei mun ah i um in zong Pasion thu a kikhau khi tinten a ibieh Pasiah ging ding ihi uhi. Eccl. 12:14. I silbawl zousie uh tung uah Pasion in thu hing khen van silhoi amaw, sil hoilou amaw, a guh a kibawlte nasan tung ah thu ahing khenta ding hi. Tualeh Eccl. 11:9. Khangthate aw na khangdawn zal uh ki zou un - Na khangdawn pet in kipah un: Na utut bawl unlen, na lungtang deidan zui un. Hinanleh zong Pasion in na silbawl tung uah khatvei thu hing khen ding ahi chi thei zing un.

04) Na zalenna uh kemching un: Gal. 5:1 Zalenna inei uh Khrist hing tat doh zieh ahi. Tuaziehin ding det unlen suoh hina hahkol pokia dingin kiphal non tasih un chiin sawltah Paul in gen hi. Khumma bangin ei Khristian Khanglai ten i ZALENNA uh kizang khiel hi. Khanglai kivel pha vaui. Mangpa'n athu guolzawl taken.

* Study well, behave well and fear God”.

.....

THU TUOMTUOM

leh

THUMPI DINGTE



- 01) Synod Year Planner umsa bang in ang tung ding August 28, 2016 (Pasianni) nukhia pen Hattuum china ZPYF Day ding ahi. Eima lemten dan bang zel un anuomthei bang leh a lohthei banga zang chiet dingin ikingen in iki theisah uhi. Thupipen ZPYF Kumpuon thupi ma zah ding ahi. Tuohkhawm pen Head Office a submit chiet ding ahi.

02. I gam buoina leh igamleitang humbitna dinga makai ineite sum leh zana gim leh tawl khohsa loua suh leh tung a tai le te a ding thumsah vaui. Tuamai hiloua niteng a mittui, naptui luongkawm a ana thum zingte a din ana thum jing vaui. Pasian in Ama bete thumnate thawnsah mai lou dinga lawchinna hingpe ding ahi chi ithumna ahi.
03. I Pawlpi etkolna nuoi a Mission School ineite ban uah Sangnaupangte leh ama uh sinsaktu Sangsyete ding in ana thum zing va ui. I deipen ahileh tulai khovel siemna a san tah zieh in Naupangte deisahna toh; halaw mu theina ding mai hilou a ang gasuo theina ding un thumsahna poimaw mama hi
04. **Tunnu Liimbel Column:** Pasian mapuina zal in apeisa April 10, 2016 apat ZPWF te panlah na toh Tuunnu Liimbel phungvuona ding in town area teng khuo (15) vel kituon suoh in tour maban sutzom ahia, dated June 2016 niin Presbyterian Church Lailamveng ah lawchingtah leh loh taha zaw ahi tahi. I totsate leh maban kalsuonna dingte thumna toh bawzui chiet va ui.
05. **ZPYF Column: Congratulation:** Tv. Samuel Khamsuonkhai Zomi Colony s/o Upa M. Kamzadou in Aizawl Theological College (ATC) apat Master of Theology (M. th) (New Testament) ah Grade B+ ah lawchinna nga hi. I lungdampi mama uhi. Mangpa'n thupina tang hen !
06. **ZPYF 60th Diamond Jubilee sports meet - 2016**
1. Opening Ceremony August 17, 2016 at Singngat (ZTP)
 2. Quarter Final - August 23, 2016 at Daijang (MGP)
 3. Semi Final - August 25, 2016 at Tuining (MEP)
 4. Final & Closing - August 30, 2016 at Singngat (ZTP)
07. Tulai tahn ZPYF Diamond Jubilee chieng a ding fund Rise leh kisahkolna tuomtuom peitou lel lel tualeh Competition a ding mai hilou in lapawl zilna zong kipan ta uhi. Tualeh ZPYF worship team ten biel vehna nei lellel uhi.
-

08. BSI Annual Conference 2016: Apeisa July 16 -17, 2016 Churachandpur Branch in Presbyterian Church Zomi Colony ah Bible Society of India Annual Conference um hi. Khum nah worship service ban ah business session zong um hi.

Messange

Special No.

- | | |
|---------------------------------|-------------------------------------|
| 1. Rev. F. Laldawngliana | 1. PYF Zomi Colony Choir |
| 2. Rev. Lalramlawm Inbuan (ICI) | 2. ESC Bijang Church Choir |
| 3. Rev. Stephen Chinzathang | 3. EBCC Hiangtam Lamka Church Choir |

Khela pumpum leh lawhtah leh gasuo tahin kizang zou hi.

09. ZHBTC thuphasah bang leh BSI tungtawn a thu kiza dan in Mangpan ami siengthoute thumnate hing dawng in sut thei ding a mansa a um mai hilou in hing tung baita ding hita chi uhi. Lam etna lienpi neikawm in thumna toh bawzui zel va ui. Copy ahileh 10,000/- sut ding phasah ahia, tam anei a bang ahi

1. Pulpit Bible - 1000 copies
2. Special binding/Zipper um - 3000
3. Ordinary binding - 6000

NB: 5% pen pawlpi chin in July 15, 2016 ma ngei in Secretary ZHBTC kung ah summit ta uhen chia phasah ahi. ngaikhoh chiet vaui. A deiten booking bawl theita.

10. **Life member tha:** Pasian in i Khristian Tangkou tungtawn in ang deisahu ding mi hing pezel a Pi Niangzalam of Tuibuang Life member dingin hing ki belap zel hi. Lungdam huoi! Mi koizong a pang nuom tapou lamet leh kipahpi zing ahi.

11. **ZOGAA Tour:** Dated 9th July 2016 niin Presbyterian Churh Zomi Colony ah Zougam Artiste Association (ZOGAA) min in tour pei kawm in Hattuumte vehna nei uhi. Tami pen (Zou Gospel Musical Tour) ahi. Koima khentuom umlou a Zou sunga denomination tuomtuom umte panlahna zong ahi.

Thupi: Aw ka hinna Mangpa phat in chi ahi.

Advisory Board

1. Rev. Thangchinkhup - (MELC)
2. Upa Jamsianmung (ZCPS)
3. Rev. Kammang (ZCBC)

Pasian phatna laa-siemten suliim mama uhi.

12. **Thumsahna leh ngetna:** Silpieh nam tuomtuom kem a enkawl tute a dingin dihtatna, gin-umnate ngetpieh vaui. Aziehpén mi lawching, innsung lawching leh nam lawching ichite dihtatna, gin umna a ana kilamtha te ma ahi uhi chi manghil guol ahisih hi. Hattuum chin a silpieh petu ten bang tup leh ngim nei a pieh uh e ...? Koi apieh uh e.... ? chi geldoh vaui. Thupil khatin migilou umsih leh Suongkul (Jail) bawl ngailou ding ahi chi hiel uhi.
13. **Damloute thumsahna:** Kholum khovot kiheng (Climate changed) toh kiton in damlouna uong mama hi. Dam theina tasama lupna tung ana ngahte leh lametna bei a khovah kal ngahla mama te a din zong thumsah vaui. Azieh i pawlpi huop ah zong aveng aveng ah damlou um sausau hi. Pasian kungah damtheina thumin ngen vaui.
14. **Congratulations:** Rev. Mangmuonthang leh Rev. Kapsuonthang ten Further Study pei a B.D 2nd Class a ang zawna uh Complication Report mu ahia, Kipahpi ahi uhi. Maban hun ah biel a ang septouzel na ding uah hagau lama ang gasuo theina ding un thumna toh bawzui vaui.

.....

Report

SINGNGAT DISTRICT (ZTP) SEMINAR REPORT 2016

Pasian hoina leh umpina zal in Singngat district in pate vaiguon na nei ah dt. 8th July 2016 (friday) ni in Tangpijol Presbyterian Church ah One Day Seminar nuomtah leh lawching tahin akineithei hi. District sung apat in member sawm guh (60) val bang akipei khawm thei hi.

Resource persons:

Bieltu Pastor Rev. Kaimuonlal (Christian Leadership), Synod Accountant Pa Kamgenpau (Cash book maintenance) leh P/P Ginlianmang (Christian ethics) chi thupite zangin member peikhawmte nounel tah leh siemtah in sinsahna ang nei uhi. Avaiguonte tawm nanleh member peikhawmten tahsa, hagau ah aki lawhpi mama hi. Vaiguon zousie nitah nai ni a zawh sieng ahi a, Singpi dawnkhawmna kinei in vaiguon zousia zaw ahita hi.

Tam bang vaiguonte in inam leh hattuom, tahsa leh hagau ah khantouna thupitahte hing piengsah din ikinem zing uhi.

Reported by;

Sye Pauneikhai

Secretary,

Singngat District (ZTP)

THUMKHAWMNA

Presbyterian Church Awnchinkap Khuo Naupang Sunday School Board min a Muolvaiphei Penial Hall a thumkhawmna leh hunzahna Reports- 2016

Ani: June 19, 2016. Class Nursary-Senior II

Presbyterian Church Awnchinkap Khuo a Sunday School Board te saina in apeisa dt. 19-6-2016 (Sunday) Niin Sunday School teacher ten, Sunday School naupangte Class- Nursery-Senior II te jingmong (6:00am) in Muolvaiphei Prayer Hall ah Sye Kamsuonkhai Superintendent Sunday School Board Awnchinkap Veng in Puitu hina la in, naupangte Pasian thu leh la toh kisuhhalna kineipi in, naupangte hun vakijahpi hi.

Tami vaiguon in atup/angim pen kum 2015 kum a Sunday School Board phu ahi toh kisai a, maban hun hing tung jel ding ah Pasian min a panla a Sunday School lam a, mailam not a, khangtou jel a naupangten Pasian thu atam thei banga athei ding uh tupna leh Presbyterian O.K. Veng a Bible jilinei thumte

- 1) Tv. Thanghaulun s/o T. Chinjakap
- 2) Tv. Nengjamang s/o Sye Kamsuankhai
- 3) Tv. B. Goumuanthang s/o Thongchinthang

Amaute a dinga thumkhawmna hun kijang ahi hi. Tualeh Manipuri Gospel Song leh Zou Gospel song ngaitah tah te zai awi kawmkawm in Pasian a kiphatkhawm a, tuazou in puitu in deituom lasa dingte a banban in a han a tam anuoi ate ahi uhi.

Deituom a Lasate:

- 1) Pa. M. Lianminthang in Manipuri Gospel song ngaitah khat awi in Pasian aphot a
- 2) Miss. Chingitlian @ iitnu leh Miss Manneihoi @ Mandali
- 3) Tv. Hauminlun amauten zong Zou Gospel song Ngai mama te sa in (Zai-awi in) Pasian aphot uhi.

Tuazou in Nu Manneikim Senior-II Teacher in thu tomkim genna hun zang in hanthawwna thu agen hi. Nu Manneikim thugen: Keijong nidang laiin tammun ah thumna neiin kana pei jel a, kaji kata te toh kana thumkhawm jel uhi. Nidanga ka thumnate Pasian in hing sanpieh in. Tu niin noute toh tammun a Pasian iphat khawm thei ua, tuaziehin Pasian min kaphat hi. Tualeh noute zong keibanga naji natate utoh tam mun a Pasian phatkhawm thei dingin pan hing lata un chi in naupangte hanthawwn in Pasian thupina pie in a hun a zou hi.

Tuaban ah Tv. Goumuonthang in thu tomkim genna hing nei in Pasian thu naupang te ahil hi. Tv. Goumuonthang: Leitung a silsiemte i et chiengin sing leh suong leh silsiem dangdangte imu ua, tamte ziehin Pasian a um chi ithei thei uhi. Hinanleh tamte pen pienthana a ching zousih a, i pientha theina ding un Jesu Khrist ithei ua, igintat ua, Pasian hagau isung a ahing um chiengin ipiengtha ding uhi (Tua khu pienthana ahi).

Tualeh mipawlkhath ten, i pientha zou chiengun khelna/sietnate um thei non lou ahi, eima ah zalena a um a, zalen ihita uhi achi ua, a genkhiel uh ahi. Tuabang hilou in, i pientha zou chieng un zong khelnate, sietnate a um thei veve ahia, tuate khu Bible a imu mabang a hoina toh izaw ding uh ahi chiin Pasian thupina pie in a hun a zou a, tuazou in puitu in, mipite dingsah in, Nu Chingbawi Junior-I Teacher in Zou Gospel song ngai mama khat awi in Pasian aphot a, tuazou in Tv. Goumuonthang in, thumna nei in thumkhawmna hun zaw ahita hi. Mangpa'n thupina tang taken.

Kipahthu genna:(i) Upa Lienminthang in Vaikuon thumna ahing neisah a, Upa Awnchinkap in Vaitun thumna ahing neisah jieuh un Pasian min a kipahthu, amaute tunga gen ahi.

(ii) Nu Ngaineisiem in a Camera ahingtuoh a group photo leh single photo ahing kapa, mawpuohna ahing lahna tung ah zong kipahthu gen ahi.

Thuzawna: Tam vaiguon khu ibieh Pasian in hing umpi in guo (rain) hing ju a, vaiguon buoi ding a gintat ahilai in, ahing ju vot sih a vaiguon noptah in akimang thei a, anop mama mai a, tuaziehin Pasian thupina pie in amin iphat uhi. Laisiengthou Mak. 9:4 Mel lamdanna tang a Jacob, Johan leh Peter ten nop asah bang un thumkhawmte lungsim ah nopna/kipahna ahing um a tuaziehin Pasian min iphat sawnsawn uhi.

Simtute zousie, Pasian in thupha hing peta hen.

Reported by;
- Pa Lianminthang
Naupang Sunday School Board
Awnchinkap Khuo (MGP)

Sermon

GINGTUTE DIA LAITHAI KAAP ASIETNA A UM DIEI?

*By Pro. Pastor M. Thangboi Zou
Area Pastor, Behiang Division. MELC*

Thumapui:

Laa bawltu khatin hichin agen hi, “Hoi mangloupki kihoisah, kamsiem loupki ki kamsiemsah, achetdan leh akicheidan etmai die zong Khristian dantoh kituohlou” chin anagen khu tulai gingtute lah a dih mama in ka mu hi, nangbang chin tami laa na mu ei unau? Lamka khopi sunga teeng Gingu tampin bangma azong isim khawllou uleh, sietna azong inagel vawtlou uh, Sum ikibot lou leh sietna hisih chi mi tampi aum hi, tua khu sildang hilou Laithai kaap (playing Card) khu ahi. Sietna hikei chite ding leh ahoiloudan theisiem nailou a anakimawl zingte kungah ahoiloudan natheisiem nading un mawltahin tunin Lamka khopi sunga teng gingtute nisim a anakaap zing akhenbang Local Upa, Lamkai muanhuoi aum hi, Laithai hingkipatdan, atup (aim) leh a Jemte’n bang gennuom ahiei chileh igam a kithang mama Unique

Identification Authority of India in zoulei kachia, tuami nading in Internet, Laibu tuomtuomte apan isut khawm ding uhi.

Laithai (playing Card) hingkipatdan:

Laithai hingkipat dan gendan chi tuomtuom tampi aum ding a, tamnah tamlou ka hingtah langding hi, khumte ahileh:

Ngaidan khatna a:

Laithai (Playing Card) kimawl na pen Kum Zabi 9 (9th Century) laivel in China gam a Kumpi Tang hunlai 618-907 (Tang Dynasty 618-907) in anakimu khie hi. Akimu khietdan in laithai kimawl na amasapen hun ahileh Kum zabi 9 lai in Miscellania ah Duyang kichi Tangte thunei hunlai a laigeltu Su E in anagendan hi. Kumpipa Yozing tanu Tangchang pen Wei Nam mite tawh “Leaf game” ana kimawl uhi (Kumpipa innkuonpi toh anakimawl uhi chi ahi).

Khuleh Song vaihawmtu (960-1279) hunlai a laithai leh laisiem (Scholar) mi Duyang Xiu (1007-1072) kichipa gendan in, “*Laithai leh kimawl na pen Tang vaihawm*

lai lah (mid-Tang) vel akipan a, tua hunlai ma in laigelna dingin laibu ziel (scroll) kizang nonlou in laipuon leh laidal kizat huntah kituoh hi” chin anagen hi. Khuleh laithai thu kigelna laibu Yazı Gexi kichi Tang hunlai a numei khatin agel a, tuo khu China mi laigeltute’n zong ana thukimpi uhi, chi ahi.

Ngaidan 2na a:

Puritans (nidanglai a Biehna lam a siengthou mama) ten, “*Laithai kaap khu Pasian simmawna leh Setan milimbu chia hing kibawldoh ahi*” chi’n ana minvawh hial uhi.

Ngaidan 3na a:

Scholar khen khatten laithai hingkipatna khu France gam ahi achi uhi. Amaute ngaidan ahileh, “*Kum 1392 lai a France Leengpa Charles ki-elhouna (simmawna) dan akibawl*” ahi achi uhi. France mite mukhietdan in, a leengpa uh Charles khu Leeng ahivangin, mibanglou deu, simmaw huoi deu khat na hi a, ama kisimmawna dan a ana kisiemdoh hi dinga gintat ahi. Ajiehpén Leengpa Charles khu (1324-1392) laivel

in, nikhat lungsim buoi in ang umta a, koima houpithei leh kipawlpi thei in ang um sih a, tualaitah in a Ministerpa khatin ama-le-ama kipahtheina ding leh Mangpa Jesu Khrist leh anuazuite suhminsiet nading leh engbawlina in tam laithai khu ang bawlkhieta hi, chi khu Scholarte mukhietdan ahi.

Laithai tup (aim) thuguhte:

Laithai hingbawl khetute'n tami ahingbawl nasan uh ahileh, *"Pasian thutah Bible doudalna dia anasiem khiet uh ahia, thamlou in tam laithai Jemte'n Bible sunga thutah umte ahoilou lam a etsahna nei in anasiem khia ua, tuate mawltah in abanban in itheisiem na dingun a nuoi a ka hing talang ding hi, khumte ahileh;-*

a). King Card: Tamin a etsah nuom pen ahileh, *"Kingpen Mangpa melmapa Setan (doimangpa) leh dihtatlouna jousie"* a ensah hi.

b). Queen Card: Tamin Mangpa Jesu Nu Mary dan asiem ahia, agennuompen ahileh, *"Marypen numei thanghuoi, kizuate Nu, mihuo nu"* chi ahi. I Laisiengthou

Thuhuntha sunga Gospel 4ten Mary khu Nungah siengthou, Pasian zaumi chin ana chiemte ahia, khuleh Unau Roman Catholicten Mary khu Pasian khat banga sim in anabieh hiel uh khu, laithai hingbawl khetuten mikizuanu, thanghuoinu ahing chisan uhi. Na pom siem ngel eima Nang?

c). Jack Card: Tamin a getnuom kia ahileh, *"huasanna, thanghuoina, mizuau, milepchia, mihuh leh thangtatna"* chite khu ahi. Adiehin tahsa utna kithununlouna a utna banga kizang thopthopte, numei leh pasal kaal a thangtatnate khu a ensah hi.

d). Club Card (Muhuol): Tamin a etsah ahileh, *"Tuolthana"* ahi. Mihingte khu Pasian in ama lim-le-meel sun a kitem (image of God, Gen. 1:27, Exo. 20: 13) ahilam theilou a kimoh thattha na a ensah kia nalai sawnsawn hi.

e). Joker Card: Tamin agennuompen ahileh, *"Joker khu chiemnui bawlpa ahi, atup ahileh Mangpa Jesu Khrist khu mimaw, mumalbei leh gitlouna*

chinteng” ahi chi a ensah hi. Tuoleh joker khu Jack leh Queen tapa ahi. Tamin a etsah ahikialeh, “*Jesu Khrist khu numei kizuonu Mary (Queen) tapa ahi*” chin agennuompen ahi. Eiten Mangpa Jesu Khrist khu Migin-um, Pasian tapa neisun chileh Misiengthou nu Mary ta chia igingtat uh ahi, hilou maw!

f). Ten Sport (1/A to10 Card): Tamipen ahileh, Isrealte kunga Pasian in Mousi zanga “*Thupieh Sawmte*” (Ten Commandment, Exo. 20: 1ff) anapieh khu kalna a kisiem ahi. A etsah nuom ahileh, “*Tam Thupieh Sawm pen mumal neilou, Dan neilou, ahoilou lam a Zaleenna*” a ensah hi. Khuleh atuom deuin **Zat 4 (4 card)** in a etsah nuomkia ahileh, “*Khovel nopsahna leh gamtatna*” a ensah hi.

Akhupsitna: Unique Identification Authority of India hingki thangchil laiin, i gamsung ngela bangchin akithang ei, ichileh, tami khu Rev. 13: 16-18 na kigen Setan number ahi chia kila nuomlou India mi (gingtute) atam mama hi. Tamna Setan

number gennuom ka hisia, ka getnuompen ahileh Setan number hidia azau zia kila nuomlou, ahinlah ka Piengtha naimah kichi a Pasian sui lah ki-um tuonlou moh hi. Setan number khu Tribulation aumpan ding ahia, tamna Laithai igenpen ahileh Rupture ma sanga Mangpa Jesu doudalna vanzat hoipen dia kisiem khu zaulou gingtu kitam mawh hi, lamdang e maw! Ahileh unau itte aw, tuni laithai kaap ahoi hi nachi ngam tentun nalai a diei ma? Khristian kichi ngal chin a, na Pasian musitna kibawl tam Laithai nakaap ngam zing mawpen lamdang ka hingsa hi, Pasian taten Pasian lungdei banga nnasep ding hinapin, eiten Pasian kabieh kichi in, I biehpada doudalna kisiem Laithai pen kimawl khohkisalou moh hi. Laithai in agennuom teng ka hinggen siengta a, na Mangpa simmawna, gensietna leh musitna kibawl laithai nakaap zing moh leh pen, India mi-le-sa hinadia kibawl UID kilanuom lou, tami Setan number ahi chiten, laithai nakaap zingmawh leh pen Pasian thangpaina na tunga ahingtung

dinga, tam khu Setan number
sanga ginghuoizaw ahi chi tunin
theichiet lei ka chinuom nazieh
ka hinggel ahi. UID nazau
sangan Laithai kaap zau zaw
ding ahi. Laithai nakap zingmoh
leh bangchi tuhin kigensiem in,
hagau mi kahi, kichi zong lechin,
Mangpa Jesu Khrist doudalna
kisiem ahiman in, Mangpa mai

a siem natang tuonsih ding hi.
Mangpan tam article anasim kha
zousie Laithai kaap napan kiveng
siem tadingin thupha hingpie
chietta hen. Genkhiehl-genval
aumleh Pasian leh simtu zousie
nahing theisiem ding uh ka hing
ngen kia sawnsawn hi. Lungdam
ing!

.....

NI TE AHOILOU ZIEHIN HUN LEMTANG LA UN

- By Rev Jonathan Nehlien

Tulai Khristiante hinkhuoa hamsatna khat ahileh hun zah dih
theilouna ahi Hun i zah dih lou chiengin eima hun mai hilouin
midang hun zong i lahsah china ahi. Bible in nite ahoi nawnlou ziehin
na hun lemtang neisunte uh manghoi un ang chi hi. Hun lemtang
ichite mihing hinkhuo ah kimu zing thei lou hi.

Na hun lemtang kiman hoitaun
chi umzie bang ahiei. Tunia
lemtang ilah theileh jing chiengin
zong ila thei ding china ahi.
Aziehpen Pasian hing pieh hun ah
mawpuohna inei chiet uhi. Thupil
in tunia nasep theite jing chienga
bawl dingin koi sin achi hi.
Dachieng a dinga sep ding ison
zel pen puohgih kibelapna giap
ahi kha leng zel hi. Hun lemtang
zah dan dang khat ahileh laibu

sim, tahsa soizoina(exercise) a
hun zah, midangte toh kithuona.
Kithuokhawmna zong Khristian
hinkhuo khan zelna dinga poimaw
khat ahi kia hi. Midang toh
kithuona hinkhuo umlou tanglen
hinkhuo pen gingu hinkhuo
a dinga sil zauhuoi mama ahi.
Hattuom vaiguon khat pouma
ah pelloua thanuomtaha pan lah
a khat leh khat va kisuh hat tuo
ding khu apoimaw khat kia ahi.

Bieh kikhopna, khawmpi, zilna innte leh kimu dinga kichiemna hun khat pou poute ah ahuntahin kitung vang mama mai hi.

Giloupa'n thaang kamin na awh na ding leh na shina ding ngaituoin pan ala zing hi. Na ginna apat na puona dingin na lampi ah thaang akam dim ahi. Tuate na paisuoh theina dingin pilvang taha na pei zel kul ding hi.

Pilvangtaha lam izawt theina dinga nihoilou hun a hinkhuo pilvangtaha man ding ahi. Nite ahoilou ziehin. sienthoua dihtatna hamsatna hun nukhiea um ihi ta uhi. Ngaituona dihlou leh gitlouna lampi zuinatein Pasian lampi apat ang piel sah ta uhi. Hoina lampi zuiloua gitlouna leh sietna lampi zuia ium zingleh tauten ang val tum thei ding uhi, Pilvangtaha lam izawt theina dingin Pasian thu izahte khu i hinkhuo a latsah kuul hi. Paul in mimote bang hilouin mipilte bangin um un achi hi. Pilna pen Bible ah akigen uong mama thu khat ahi. Adiehin thuhunlui a Job laibu, Sam labu, thupilte

bu, thugenpa laibute khu pilna laigielte zong a kichi hi. Mangpa giin khu pilna kipatna ahi. ([Prov. 9:10](#)).

Mipil hindan in mangpa thupina apie hi. Tuami hitheina ahileh laisiengthoua kigen te zuia hindan ahlatsahna ahi kia hi. Pasian in Mose biehbih lam ding dan ahi a tuachin khutsiemten hoideuin a zou thei uh hi. Tuama bangin I hinkhuo pen a hoi ding ideileh Pasian deidan i zui thei uh kiphamaw hi. Bible in Pasian bahna hinkhuo a khanna ding tamtah ang hil zou ta hi. Solna tamtah Pasian i batna dinga hing suse thei dingte zong ang vau zou ta hi. Mosen pilna lungtang ka nei theina dingun ka damsung nite uh simdan ei hil un achi ma bangin ([Ps. 90:12](#))

Hunte hawmthawtaha zah chiin pasian deilam a hunte zah china ahi. Gingloute dingin ahileh hinkhuo pen saltanna leh amawhna ahi. A hinkhuo uh pen saltanna leh lungkhamna ngen in akidim hi. Gingtuten ahileh vang tua amansuo hunte

uh zong mukiana ding ngaisut in hunlemtang anei sun un kumtawn dai ding silte bawl in abuai leng uhi.

Hun lemtang aneisun un khrist thei sem sem utna leh ama lim leh me'l sut utna lungsim toh hu azang den uhi. Amauten midangte khrist a puoilutna ding leh khansem na dingin pan ala zing uhi. Pilvanthain tam gitlouna kidim khawvel ah Pasian lalgam kehlet na dingin hun lemtangte lain na asem zing uhi.

Pilvangtaha lam izawt theina dingin Pasian lungsim leh deidan itheisiem poimaw hi(5:17). Paul in nite ahoilou ziehin mimote bang hilouin mi pilte bangin mangpa lunglam theissiemi un achi pen nguntaha ngaituo tham ching ahi.

Mangpa deidan theisiemna khu ang siemna san toh kituoha hinkhuo manna ahi. Mangpa deidan leh lung lam thei theina khu i hinkhuo a dinga silpoimaw aoultheilou khat ahi. Mangpa kunga I hinkhuo apumpia i kituhlut chiengin aman i hinkhuo

ah aman loupina atang ding. Khrist hattuum zong ngaipoimaw ding ahi. Hattuum a dinga zong i kipumpieh ding ahi. I shi chienga kivui theisahna maimai a hattuum a kipieh lou ding ahi. A scenery a pastorte maitam bawl a hat lou ding ahi. Itna ttahtah toh chiel zel ding ahi. Ei damna ding.hoina ding leh guolzawl a iumna dinga hing thumsahtu Pastorte tunga gitlou bawl lou ding ahi.Insung leh gingtu midangte toh lemna leh muonna neia na khawsah khawm ding ahi.

Pilvangtaha lam izawt theina dinga Hagau Siengthoua kidim poimaw hi (5:18-21). Hagau Siengthoua kidim umzie ahileh Hagau Siengthou thunun a um ding china ahi (5:18). Mite zu akham chiengin zuin angolsah a atahsa a thunun ta hi. Tuama bangin hagaua dimte hinkhuo zong hagauin athunun ziehin hagau deidan in a hing ta ahi. Mangpa Jesu ipom ni apat in hagauin ang luota hi. Hagau siengthou toh kidim chiengin phatna, nuomthu tutna khat leh khat kituhlutnatein I hinkhuo a dimsah hi.(5:19-21).

Na hun bang chi'n na zang ei chi khu poimaw mama hi. Na sep dingte entuoh masain. Na hun hawmsiem in tua na hawm bangin zahsiem sawm in. Thumna hun leh Bible simna khu ngaipoimaw pen in na nei ei? Jesun ka ann khu ang sawlpa ka Pa deilam sep leh pichin khu ahi. (John 4:34). Tambanga Pasian deilam sep leh pichin khu eite lunggul leh utna ahi ei ? Tuami ahileh I hun, itha leh lungsim ngaituona isennatein me'tna nasatah leh nuomman hoitah imu ding uhi. Tamte pen Khristian hinkhuoa khan zelna ding leh pichinna dingin ngaipoimaw pentein na ge'l thei ei. Pasian bahna dingin hepina leh theina ah na khangtou zel ei?

I mit a imu thei leh i khut a itham khah thei vante mai gou manpha

hilouin hun zong gou manpha chikhat ahi.. Mimote'n ahileh hun a zang siem sih ua silphatuomlou ding bawlnan ahun teng uh azang bei zel uhi. Mipilten ahileh mimal, insung, khotang leh hattuom gamsung,namsunga dinga silphatuom tut thei ding nasep bawlnan hun azang zel uhi. Tuazieha Paul in mimote bang hilouin mipilte bangin, na hun lemtang neisunte uh nou kiman hoi ta un achi ahi

Television/movie etnan na hun na zang den ei ahisihleh internet khoinan na hun teng na zang den ei? Na tv ette leh na lunglutnate khu damsung khosahna toh kisaia poimaw ahikha ei? Ahun theiloua ihmud ngen bawl zing na mah ahisihleh sep ding tam senga itmut kham zou lou na hi amah? Na hun bangchin na zang ei?

Tangkou Fee na pieh nailouleh
pieh hunta ahi chi thei in koima
phuul ngailou in Agen-te kung
ah ana pie in.

NA UMDAN LEH KHRIST KHANTAN HOI

(Your conduct be worthy of the Gospel of Christ)

Philippi 1:27

- Upa Khupsuankham

KA lunggelna ka ngaisut zel khu mimal, Hattuum leh pawlpite Khantouna ding tupna ding in chielpina (Revival) leh thugensiem chi'n eima pawlsung a zong hilou, pawl dangmi sum-le-pai tampi seng in iguoi ua, ahoi sih ichi sih a, ahoi hi, ahivang in mihingte lungsim suliing zoulou in hakhat zong chinglou phiel in angaingai ihijel uhi. Bangzieh adieichia ka ngaisut chiengin ikamsuo leh igamtatdan mite etton thei ding a i umlo u zieh ahi kachinuom hi.

I thupi tahlat uh Philippi 1:27 “Na umdan uleh Khrist Khantanhoi kituohsah phot un” chithu pansan in saulou houlim va ui. I thupi tangteel un huoplien mama a, banghun ah zong heisung mun ah zong, bangchilai tan in zong lampi chinteng ah, inichin hinkhuo ah, i umdan, isilbawl, ithugen, inehsuina ah, i-umdan zousie ah Khrist Khantanhoi toh kituohsah photphot vai, chi ipu uh Paul in Philippi Hattuumte ana thumop hi.

India in British kumpi nuoi a pat zalenna angaituolai uh kum 1933 in Karnataka a sawltah khat in ipu uh Gandhi kung ah “India gam a hamsatna apat zalenna a umtheina

ding khu Khrist kung ah a um a, aman ang puihuoi maiding hi, Pu achia, ipu uh Gandhi in, “India gam a Khristiante khu Khrist hing kawhmu bangbang in na umdan uleh Khrist Khantanhoi kituohsah photphot ulechin mi zousien angzui maiding hi” achi hi. Tuajiehin, ei Khristiante umdan mandan (manner of life) khu apoimaw mama a, utdandan a umte, inop-ining a umte pen Khrist Khantanhoi toh aki millou jiehin mite'n ang enton theisih hi.

Mizoram in Khristian hina kum 100 chinna (Centenary) alop ding kuon ua aki singsah laitah un Upa khat (Henkhama) in “Igam sung leh gam pulam ah

Missionary 600 val isawl dohta uhi” achi hi. Aman theitawpsuo a nna aseplai un igamsung a teng Khristiante hinkhuo leh Khrist Khantanhoi akituoh nai? eima chiet ki-enchien vai. Hattuumten sum-le-pai leh hun manpha nempai senga nna iseplai ua bangchidan a igamsung teng nam dangdang Khristianloute (lawkey) leh ikiim-ivel a michin a hinkhuo mandan Meitei, Nepali leh a dangdangten Mangpa Jesu a gintat theilou uh adiei? i thugente hoi in fuh nanleh i-umdan leh Khrist Khantanhoi akituohlou jiehin miten Pasian phattheilou ahipen a, kingaisut vai.

Evangelist Paul in, Philippi Hattuumte kung a revival/ Crusade abawllai in Khrist Khantanhoi leh na hinkhuo uh kituohsah photphot un achia, Khrist Khantanhoi toh bangchi kituohsah ding e, chi agen khelsih hi. Misiemten asuutna uah Khrist Khantanhoi toh ihinkhuo akituoh ding ahi chi khu Philippi 3:20 ah, “Eite khu van khuo-le-tui hina neimi ihi uhi” achia, Vanney a teng hinapin, Vanmite sang a hinkhuo mang ding a thumop

ihina khu ituot leh asang mama hi. Leitung a teng hinanleizong Vanmite banga hinkhuo iman ding uh ahi.

Tuajiehin nangma leh nangma khu ki-enchien in, nangma khu Vanmite sang a nakilamdanna um in naki thei ei? Miten ikampau leh i-umdan khu ana engige a, Khrist Khantanhoi toh akituohnai chi’n ana taihilleng thuoi hi. Vanmite sang a hinkhuo mang ding a thumop ihina khu ituot leh asang mama hi. Leitung a teng hinanleizong Vanmite banga hinkhuo iman ding uh ahi. Tuajiehin nangma leh nangma khu ki-enchien in, nangma khu Vanmite sang a nakilamdanna um in naki thei ei? Miten ikampau leh i-umdan khu ana en gige a, Khrist Khantanhoi toh akituohnai chi’n ang taihilleng thuoi hi.

Tulai Khristiante ihinkhuo Vanney toh kitehpawi a hinkhuo man khu ahi theisih hi. Khrist igintatna khu sienthoua ahiei, Vangam lutna ahiei mite higieplou in, bangkim a hing kaihuoituh leh ang thununtu ahi ding ahia, Pasian lalna (Sovereignty of God) chi khu ithupi ngai ding ahi.

I innsung zepdan khu Khristiante innsung zepdan anai chi iki etphat uh ngai hi. I innsung leh i inn pulam zepdante en in Khrist Khantanhohi tah aki millou a um kha ei? Khristiante innsung zepdan bang in izemkha uoi? Khristianloute (Lawkey) hingvah khaleh Khristian innsung ma hi e chin kilahna a mukha diei? Cinema, Film, Numei, Pasal, lunglutna lam leh akilawmlou itahte khu Khrist Khantanhohi toh akimil nai?

Manipur kumpi upa Rishang Keising innsung i-etleh Pastorte innsung sang in a etlawmzaw a, Khristian innkuon ahina akilangsah hi, chi thu iza hi.

Bang nna sem in Politics sai in um nanlei Khrist Khantanhohi leh i-umdan akimil poimaw hi, chi thu ang kiphawhsah hi. Ama khu MLA tamvei nakai in Minister ana kaizing a, MP zong 2vei ana kaipha a, Pasian mapui ichilou theisih uhi. Tuajiehin ei Pasian hing nasemte kingaisut phavai. Pasian thugen siemte ithupi ngai mama mai ua, kipah ahuoi hi. Hinanleh ithugente mite

lungsim khoi theilou leh lunglut theilou a aumna khu bangjeh ahiei, ichileh ihinkhuo leh Khrist Khantanhohi akituoh theilou jieh ahi. Agenlam ithanuom ua, siem zong isiem mama ua, hinanleh i-umdan in azui sihleh ithugen in “GA” neitheilou hi. Kum zabih 19 lai in Japan gam khu gammiel ahinalai a, Khristian suhgenthei a, a umlai in Captain L.Z James khu Sangsye in apangsah ua, a Sangnaupangte kung ah Pasian thu kichi agenkha ngaisih hi. Hinanleh a umdan leh Khantanhohi akituohjeh in kum sawtlou kal in a sangnaupangte lah a mi 35 ten amauh sisan ngei a giel in Khrist ading a gin-um ding leh shitanpha a pangdingin kichiemna (Oath king) nei in suoi akai uhi. Tambang a Khantanhohi hil a igenleh i-umdan in apieh khu apoimaw hi. Khrist laithot hin a Hagau lam, mite simthei ding a giel theitu hiding khu ipoimaw jiehin pan ilatha ding uhi.

Tuajiehin unaute aw, inichin hinkhuo leh igamtatna zousie mun ah, hun ah zong, heisung mun ah zong, i silbawl leh Khrist

Khantanhoi toh kimillou taphot
paimang in pan ilatha ding uhi.
Khrist gam zautheina ding leh
Pasian guolzawlana ang luonlut
theina dingin kisiempha va-ui.

Bangteng hitaleh, midangte kung
aa-umdan khu Khrist Khantanhoi
toh kimilsah photphot vai

Mangpa'n athu guolzawlta hen,
Amen.

ZPWF REPORT

17 June to 25 July, 2016 Tan a Tunnu Limbel Panpina pete

1. Nh. Niangliancling, Muollum	Rs. 200
2. ZPWF Jumble Sale mube	Rs. 800
3. Lamneivah, Behiangjang	Rs. 100
4. PWF Kanaan Veng	Rs. 1,270
5. Nh. Melody Lhingneilam	Rs. 1,000
6. Nu Niangdeihoi	Rs. 500
7. Nh. Dimhoinuam, Zomi Colony	Rs. 500
8. PWF Lailamveng G/T	Rs. 7,010
9. Nu Chingzaniang, Zomi Colony	Rs. 1,000
10. Nu Niangneilam, Mangjing	Rs. 300
11. Nu Mangdeiniang, Lailam Veng	Rs. 100
12. Nh. Nancy Chiinhauniang	Rs. 50
13. Nu Moi Pharmacy, Salem Veng	Rs. 50
14. Nu Vungi	Rs. 50
15. Tv. Hangboi, Tanglian	Rs. 100
16. Nu Ching	Rs. 100
17. Pa Dalthang, Lailam Veng	Rs. 10,000
18. Nu Niangdeikim, Manniang khuo	Rs. 100
19. Evan. Goukhogin, Emmanuel	Rs. 100
20. Nu Chingngaikim, Zomi Colony	Rs. 100
21. Upa HT Manga, Tuining	Rs. 200

22. Nu Zou, Tuining	Rs.	100
23. HT. Simte, Tuining	Rs.	50
24. Chinsianching, Tuining	Rs.	50
25. H. Lunneu, Tuining	Rs.	50
26. Nuamdeinuam	Rs.	50
27. Lynda Ningdeihlun, Central Church	Rs.	100
28. S. Pauvanglian, Central Church	Rs.	100
29. Niangitkim, Central Church	Rs.	100
30. Paumuanthang, Central Church	Rs.	100
31. Nuamdeihlun, Central Church	Rs.	100
32. T. Ginminlun, Thingkangphai	Rs.	1,000
33. Dimkhanvung, Lailam Veng	Rs.	400
34. Nu Dimneiching, Zoveng	Rs.	500
35. Thanglianmuan, Central Church	Rs.	500
36. Mrs. Flora Hatnu, UK	Rs.	38,000
37. Upa Goumang, Central Church	Rs.	500
38. Nu Hielzaniang, Zomi Colony	Rs.	100
39. Upa KC Manga, Tongdam	Rs.	2,500
40. Upa Thawngsuan, Imphal	Rs.	500
41. Kamgenpau, Lailamveng	Rs.	100
42. PWF Tuibuang, Anntang Kg. 82 &	Rs.	400
43. PWF Lailamveng, Anntang Kg. 121 &	Rs.	200
44. PWF Hiangtamjang, Anntang	Kg.	28
45. PWF Manniang Khuo, Anntang	Kg.	30
46. PWF Awnchinkap Khuo, Anntang	Kg.	53
47. PWF Hiangtam (B), Anntang	Kg.	46
48. PWF Tangpijol, Anntang	Kg.	50
49. PWF Tonjang, Anntang	Kg.	50

51. V. Behtel Hattuum ten (Haitha) a bawl ni ua van kitoi khawmte lah a pat --Tangmai, Bete, Begap, Begul, Mai, Game, Tangkha, Menal, Anjang kigawm khawm in bag khat ang pia ua, nahpi tah in phatuom mama hi.

**ZPWF SEMINAR KHAWMPI,
MARCH 11-13, 2016 (SUGNU)
TUNNU LIMBEL GINNA THUCHIEM LIST
KUMKHAT IN**

1. Nu Chingzaniang, Zomi Colony	Rs. 5,000
2. Nu Kimkhohoi, Tuibuang	Rs. 1,000
3. Upa Hauzam, Sugnu	Rs. 1,000
4. Nu Mangkangaiching(Ngainu), Central Church	Rs. 1,000
5. Nu Niangenngai, Behiangiang	Rs. 1,000
6. Nu Chingneikim, Central Church	Rs. 1,000
7. P/P Ginlianmang, Maukot	Rs. 1,000
8. Chiinsonniang, Thingkangphai	Rs. 1,000
9. Nu Paungainiang, Muollum	Rs. 500
10. Nu Manhoiching, Zomi Colony	Rs. 500
11. Rev. Thangboi Khuongsai, Tuibuang (paid)	Rs. 500
12. Stephen Khupsianlal, Tuibuang	Rs. 500
13. Rev. Khamchinkhai, Central Church	Rs. 500
14. M. Hoiniang, Awnchinkap Khuo	Rs. 500
15. Hatkhanvung, Central Church	Rs. 500
16. Hatzaniang, Central Chruch	Rs. 500
17. Chiinsianching, Central Church	Rs. 500
18. Niangdeikim, Manniang Khuo (400,Paid)	Rs. 500
19. Pastor Mangsuanthang	Rs. 500
20. Nouhauching, Tangpijol	Rs. 500
21. Chiinkhannuam, Thingkangphai	Rs. 500
22. Chiindeiniang, Thingkangphai	Rs. 600
23. M. Ginsuanthang, Mangjing	Rs. 500
24. Nemdonching, Kanaan	Rs. 500
25. Nu Niangsiankim, Zomi Colony	Rs. 500
26. Nu Vahkholhing, Tuibuang	Rs. 200
27. Niangkhanmang, Tongdam	Rs. 300
28. Nh. Hatnu, Muollum	Rs. 200

29. Nh. Niangliancling, Muollum (paid)	Rs.	200
30. Ginsuanmang, Tuibuang	Rs.	200
31. Nienghauching, Muollum	Rs.	200
32. Nu Chiinzahat, Mannieng khuo	Rs.	200
33. Nu Pauzaching	Rs.	200
34. Nianngaihniang, Tangpijol	Rs.	200
35. Nu Mankim, Mualtam	Rs.	200
36. Nu Chingngaiman, Mualtam	Rs.	200
37. Phalnem, Tuilaphai	Rs.	200
38. Rev. Awnkhankhup, Tuining	Rs.	200
39. Niangliancling, Lailam Veng	Rs.	100
40. Nu Ngaihoiching, V. Bethel	Rs.	150
41. T. Nianghauching, Tangpijol	Rs.	100
42. Nu Nuamzangai, Central Church	Rs.	100
43. Nu Nianghoikim, LDCC Hiangzou	Rs.	100
44. Upanu Dimsuanchiin, Hiangtam(K)	Rs.	100
45. Chiinnghaihman	Rs.	100
46. Nianglam, Sabual	Rs.	100
47. Lunkhanman	Rs.	100
48. Nu Thangngainiang, Behiang	Rs.	100
49. Nu Ngailamchiin, Lailam Veng	Rs.	100
50. Nu Chingzaluang, Tuibuang	Rs.	100
51. Nu Nianngaihman, Lailam Veng	Rs.	100
52. Nu Niangzahoi, Tuining	Rs.	20
53. Ngaizachin, Bohlui	Rs.	100
54. Lunniang, Tangpijol	Rs.	50
55. Nu Manngaihzen, LDCC Hiangzou	Rs.	100
56. Chingnunmawi, Muollum	Rs.	100
57. Nh. Niangsanching, Tangpijol	Rs.	50
58. Rev. Kamkhosoi, Zomi Colony	Rs.	100
59. Nu Nianghoikim, Khuoinuoi (Pejou)	Anntang Half Bag khat	

HACHIN IN

1. Nu Dimzavung, Tangpijol	Rs.	50
2. Nu Niankhanniang, Tangpijol	Rs.	20
3. Nu Luanzangai, Manniang, Khuo	Rs.	20
4. Hemkholun, M. Kholmuol	Rs.	50
5. Nu Nuamngaichiin, Tuibuang	Rs.	100
6. Nuamzakim, Central Church	Rs.	500
7. Nu Manthiannei, Tangpijol	Rs.	50
8. Nu Dimneiching, Central Church	Rs.	500

(April 2016 apat)

Adih loute Office a suhdih theizing ahi.

.....

Zou Holy Bible Advance Booking

Zou Holy Bible Translatuon Committee leh Bible Society of India panlahna in Zou Lai Siengthou (Zou Holy Bible) tu in a kisut laitah ahia, a deiten Synod Office ah Advance Booking bawl thei zing ahi (Sum pieh masah ding china ahi).

No.	Abu	Aman ding
01.	Normal Binding	₹ 160 Bu khat ah
02.	Special Binding (Zipper kithuo)	₹ 450 Bu khat ah
03.	Pulpit Bible (Abu lien a kibawl)	₹ 500 Bu khat ah

Thei ding:

1. August ha sung advance booking bawl thei ahia, tam advance booking bawl thei hun abei chieng in aman ahing khang tading hi.
2. Zou Lai Siengthou (Zou Holy Bible) pen Pawlpi thum:
Zou Presbyterian Church Synod (ZPCS), Manipur Evangelical Lutheran Church (MELC) leh Zo-Christian Bible Church (ZCBC) kipawlkhawm a kibawl ahia, advance booking bawl na ah eima Synod mi-le-sa chilou a kipe theisih ding hi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V. Vungzalian	20. Rev. Retd. Kamkhosoi
21. Rev. Tualzachin	22. Rev. (Rtd.) H. Nengzalan	23. Rev. Awnkhanhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochin	38. Pi Hatkhanwung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taihtul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhau	116. Upa Pauchinlei
117. Kimneihoi	118. Pu Kamgenpau	119. Nh. Niangsuannuam	120. Nu Ngaikhanwung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Pi Niangzalam

LIFE MEMBER-TE

01. (L) Upa T. Khupkenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau		



Undelivered
Please return to:

The Editor
CHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com / zousynod05@gmail.com

7a,

Edited and Published by the Editor on behalf of the Zou Presbyterian Church Synod